

1599
Itali Prin-
cipes Vene-
ris militum
delectum in
suis ditioni-
bus probi-
bent.

Josephus
Rebata a
Ferdinando
Venetias
mittitur.

traturum ratus, quod nova affinitate Hispaniarum Regi conjunctus esset; quodque privatae publicam causam prætexeret, armorum tumultu iis in locis excitato, Caesari in Pannonia adspirantem fortunam averti posse. Quocirca Principum nonnulli Hispanis devincti, palam milites pernegare, alii cunctatione uti, morasque innectere.

Eodem tempore Josephum Rebata, legatum, Ferdinandus Venetias mittit, si forte apparatus remorando, disceptationibus tempus extrahendo, animorum fervorem atque impetum reprimere posset. *Multis maximisque beneficiis Reipublicae Ferdinandum devinctum esse, Rebata inquit, quod superioribus annis Venetias accedens, liberaliter exceptus; quod anno elapso soror Philippo nupta, in Hispaniam proficiscens, in Venetis ditionibus summis honoribus sit exculta. Ingentem ex Uscocborum audacia, ac praecipue ex iis, quae nuper contigerant, molestiam percipere, facinora exhorrescere, scelera detestari; ceterum nec culpam penes se, neque remedium esse; Senniam omnium malorum fontem in Caesaris Pannoniae Regis ditione contineri; nulla porro in re sibi subiectos delinquere, licet multa damna atque injuriae ad innoxios perveniant; Uranam in Istria oppidum direptum, navigia suorum intercepta, eorum aliquot ad triremium transtra ablegatos, quae sane parum suae cum Republica amicitiae respondeant. Quam motus hi christianis rebus officiant; quam facile pax in Pannonia cum Mehemete, Reipublicae quoque rationibus adversa, inde oriri possit, Patres expenderent; secum reputarent, quantum auri vim in suis finibus, quae munimento Reipublicae sint, adversus Turcas tutandis insumere Ferdinandus cogeretur: respicerent, quo pietatis ardore in catholicae religionis incrementum, haereticisque excindendis incumberet: ne ab egregiis praclarisque actionibus ad sublimia quaeque natum Principem deterrent: Principem, inquam, Reipublicae amicum, finitimum, eximia probitate praeditum, affinitate praecipuis christiana reipublicae Principibus junctum: ad Caesarem excitandum, ad quem negotium id spectaret, omnem operam studiumque Reipublicae navaturum; ac si quid Senatus vel proponeret vel postularet, pro virili, ut voti compos fieret, enixurum: petere interea, rogare, ut coepti apparatus intermittantur, remque*